



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2257, datë 23.01.2013

Për

Miratimin e Dokumentit rregullator “Për disa ndryshime dhe shtesa në Rregulloren datë 13.04.2010 “Për shërbimet radioamatore në Republikën e Shqipërisë”

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

1. Z.	Piro	Xhixho	Kryetar
2. Z.	Alban	Karapici	Anëtar
3. Znj.	Alketa	Mukavelati	Anëtar
4. Z.	Benon	Paloka	Anëtar
5. Znj.	Zamira	Nurçe	Anëtar

dhe sekretare të Këshillit Drejtues Znj.Marsida Drushku, në mbledhjen e datës 23.01.2013, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë” i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, shqyrtoi çështjen me objekt:

Miratimin e Dokumentit rregullator “Për disa ndryshime dhe shtesa në Rregulloren datë 13.04.2010 “Për shërbimet radioamatore në Republikën e Shqipërisë””

BAZA LIGJORE:

1. Shkronja th) e nenit 8, pika 1 e nenit 114 dhe neni 115 i ligjit nr.9918, datë 19.05.2008 “Për komunikimet elektronike në Republikën e Shqipërisë”, i ndryshuar (**ligji nr.9918**);
2. Neni 120 dhe neni 129 i ligjit nr. 8485, datë 12.05.1999 “Kodi i Procedurave Administrative” (**KPrA**), i ndryshuar;
3. Radio Rregullore Ndërkombëtare të nxjerra nga ITU dhe CEPT (**Radorregullore**).
4. Rregullorja datë 13.04.2010 “Për shërbimet radioamatore në Republikën e Shqipërisë” (**Rregullore**), miratuar me vendim të Këshillit Drejtues të AKEP-it, Nr. 1222, datë 13.04.2010.

KËSHILLI DREJTUES:

Nga shqyrtimi i materialit shkresor të përbërë nga:

- Projekt Vendimi;
- Relacioni shoqërues i Projekt-Vendimit;
- Projekt-Dokumenti rregullator “Për disa ndryshime dhe shtesa në Rregulloren datë 13.04.2010 “Për shërbimet radioamatore në Republikën e Shqipërisë””;

si dhe, diskutimeve në mbledhje mbi çështjen, si dhe duke i'u referuar bazës ligjore të sipërcituar,

V Ë R E N:

1. AKEP, me qëllim përmbushjen sa më të plotë dhe eficiente të detyrimeve ligjore që duhet të zbatojnë subjektet e interesuara, për t'u pajisur me “Licencë/Çertifikatë Radioamatori”, çmon si të rëndësishme ndryshimet dhe shtesat në aktin administrativ Rregullore, datë 13.04.2010 “Për shërbimet radioamatore në Republikën e Shqipërisë”, me qëllim përcaktimin e rregullave procedurale për t'u pajisur me licencë nëpërmjet modulit të aplikimeve online;
2. Grupi i punës i caktuar me Urdhërin nr. 900, datë 30.10.2012 ka hartuar ndryshimet dhe shtesat në projekt aktin administrativ, datë 13.04.2010 “Për shërbimet radioamatore në Republikën e Shqipërisë”, me qëllim përcaktimin e rregullave procedurale për kryerjen nëpërmjet modulit të aplikimeve online nga subjektet e interesuara për tu pajisur nga AKEP me licencë/çertifikatë;
3. Ndryshimet dhe shtesat për përcaktimin e rregullave procedurale në Rregulloren, datë 13.04.2010 “Për shërbimet radioamatore në Republikën e Shqipërisë”, janë mbështetur në kuadrin ligjor dhe rregullator në fuqi si dhe rekomandimeve të ITU-së dhe CEPT-it, duke patur parasysh dhe implementuar objektivat rregullatore të AKEP;
4. Ndryshimet dhe shtesat e propozuara në Rregulloren nga Grupi i Punës, për t'u zbatuar nga subjektet e interesuara për licencë/çertifikatë, nëpërmjet modulit të aplikimeve online, bëhen pa ndryshuar përmbajtjen, objektin, qëllimin dhe kërkesat e përfshira në këtë rregullore si dhe me qëllim përmirësimi për:
 - Kalimin e aplikimit për “Licencë/Çertifikatë Radioamatori” nëpërmjet modulit të aplikimeve online;
 - Realizimin e procedurës së paisjes me licencë në një kohë sa më të shkurtër, në një mënyrë më të thjeshtuar me rregulla praktike;
 - Shkurtimin e procedurave të përpunimit të dokumentacionit në AKEP duke rritur cilësinë e shërbimit ndaj subjekteve;
 - Realizimin e një procesi transparent në kufijtë e veprimit të Autoritetit Publik;
5. Për këtë qëllim, AKEP në zbatim të Ligjit nr. 9918, i ndryshuar, në kuadër të transparencës dhe paanësisë çmon si të arsyeshme miratimin e ndryshimeve dhe shtesave në përcaktimin e rregullave procedurale për kryerjen nëpërmjet modulit të aplikimeve online nga subjektet e interesuara për “Licencë/Çertifikatë Radioamatori”, të projekt aktit administrativ Rregulloren, datë 13.04.2010 “Për shërbimet radioamatore në Republikën e Shqipërisë”,

P Ë R K Ë T O A R S Y E:

Këshilli Drejtues, duke konsideruar rëndësinë e miratimit të këtij projekt akti administrativ, për subjektet e interesuara për pajisjen me “Licencë/Çertifikatë Radioamatori”, bazuar në shkronjën th) te nenit 8, pikën 1 të nenit 114 dhe pikën 1 të nenit 115 të ligjit nr. 9918 i ndryshuar,

V E N D O S:

1. Të miratojë Dokumentin rregullator “Për disa ndryshime dhe shtesa në Rregulloren, datë 13.04.2010 “Për shërbimet radioamatore në Republikën e Shqipërisë” sipas Aneksit 1 bashkëlidhur;
2. Ky vendim të publikohet në faqen e internetit www.akep.al

Ky vendim hyn në fuqi 30 ditë nga data e miratimit të tij.

K R Y E T A R I

Piro XHIXHO

ANËTARËT E KËSHILLIT DREJTUES:

1. Alban KARAPICI
2. Alketa MUKAVELATI
3. Benon PALOKA
4. Zamira NURÇE

I. Ndryshime dhe shtesa në Rregulloren datë 13.04.2010 “Për shërbimet radioamatore në Republikën e Shqipërisë”.

(Miratuar me Vendim të Keshillit Drejtues tëAKEP nr.1222, datë 13.04.2010)

A. Neni 2 ndryshohet dhe bëhet:

Neni 2
Baza ligjore

Kjo Rregullore është përgatitur në zbatim të nenit 64 - Plani i Përdorimit të Frekuencave, pika 7 dhe neni 8 pika th) e ligjit nr. 9918, dt. 19.5.2008, “Për komunikimet elektronike në Republikën e Shqipërisë” i ndryshuar; rekomandimeve dhe Radio Rregullores Ndërkombëtare të nxjerra nga ITU dhe CEPT dhe organizatave të tjera ndërkombëtare ku Republika e Shqipërisë është anëtare, si dhe legjislacionin shqiptar në fuqi.

B. Pika 1 e nenit 6, ndryshon dhe bëhet:

Neni 6
Regjistrimi në provimin për radio amator

(1) Regjistrimi për të marrë pjesë në provimin për radio amator bëhet duke plotësuar dhe dërguar online në AKEP formularin (Lidhja 2) e plotësuar ose të dhënat e listuara në formular.

C. Është shtuar pika 7 dhe pikat 1, 2 dhe pika 3 e nenit 9, ndryshojnë dhe bëhen:

Neni 9
Kërkesa për licencë amatori

(1) Me marrjen e kërkeses online, AKEP kryen procedurën e lëshimit (dhënies) të licencës së amatorit.

(2) Kërkesa paraqitet me formularin e plotësuar dhe dërguar online, i cili është dhënë në Lidhjen 7. Kur kërkohet një licencë speciale amatori, duhet plotësuar online formulari i kërkesës për licencë amatori nga një person fizik ose një grup radio amator dhe formulari i të dhenave të stacionit amator special.

(3) Kërkesës online duhet t’i bashkëlidhen sa më poshtë:

(7) AKEP do të shqyrtojë aplikimin e dërguar online dhe do të vendosë të japë Licencën Brenda 7 (shtatë) ditëve nga plotësimi i formularit dhe dokumentacionit të kërkuar, sipas kërkesave të rregullores. Nëse formulari ose dokumentacioni paraqitet jo i plotë, atëherë brenda 5 (pesë) ditëve do kthehet për t’u riplotësuar online. Formulari i Aplikimit për pajisjen me “Licencë radioamatori/Çertifikatë” ose regjistrim për provimin radioamator do të plotësohet në faqen web: www.akep.al. Licenca/Çertifikata lëshohet e nënshkruar nga Kryetari.

Formulari i aplikimit online nënshkruhet nga subjekti në momentin e tërheqjes së Licencës/Çertifikatës dhe i bashkëngjitet praktikës që arkivohet në AKEP së bashku me dokumentacionin shoqërues.